




Te Avae Tiurai 1954

TE HEHEURAA API

Te Omuaraa I Te Ati Rahi.

Uiraa 1. I to Adamu raua o Eva patoi-raa-hia e to raua huaai. Eaha to raua mana'o?

Pahonoraa E nehenehe ia parau, ua tamata pinepine o Adamu ia faafariu i ta'na huaai i te evanelia. Ia morohi râ te reira opuaraa, ua fariu oia i te tiaraa i te fanau-raa-hia o te tabi mau tamarii e, e haapii maitai raua ia ratou i te evanelia.

Uiraa 2. Ua haamaitai o Eva i te tamaiti tamaroa, na ô atura oia no'na ra, "Ua roaa iho nei te taata ia'u no o mai i te Fatu, no reira e ore ia oia e patoi i ta'na ra mau parau." (Mose 5:16) O vai tana tamaiti ra? Eaha te auaa o to'na i'oa?

Pahonoraa O Kaina taua tamaiti ra. E "tei noaa mai" tei riro mai no roto i te haamaitairaa a te Fatu, te auaa ia o to'na ra i'oa.

Uiraa 3. Eaha to Kaina huru? E raatira puai e te rahi oia?

Pahonoraa Mai te au i te mau ohipa ta'na i rave e mea puai roa oia e te itoitō. Ua rave noa oia i te mau ohipa ta'na i haamata. E riro paha ia e raatira oia i te ra'i i te matamua ra mai ia Lufifera "te fetia o te poipoi te huru." Tera râ, ua turu oia ia Iehova, e noa'tura ta'na mau peu maitai, e to'na mau huru maitai, te vai ê na te teoteo, e te hinaaro ia rave oia i te mau ohipa na'na ana e iho, i roto ia'na ra. E arii, e e raatira onâ i roto i te ai'a matamua, tera râ, ua vai huna noa to'na ra mau huru ino. Ua ite atea ê ra te Atua, i nia i te ao nei, oia hoi, te vahi i faataahia ia faaite papu atu i te puai e te paruparu o te mau taata atoa, e topa ihoa o Kaina. No to Kaina maitai, na fanau maira oia i roto i te hoê utuafare maitai roa, i te

taime hoi tei reira te evanelia. Ua horoa te Atua ia Adamu ia Kaina ei tamaiti na'na ia ite atoa o Adamu i te oto rahi no te taivaraa o te hoê tamaiti herehia, e te riroraa hoi ei tamaiti o te pohe. E haapiiraa to tatou oraraa i nia i teie nei ao.

Uiraa 4. Ua farii anei Kaina i te Autahu'araa? e te mau heheuraa no ô mai i te Atua ra?

Pahonoraa Oia, ua farii Kaina i te Autahu'araa (te mau haapiiraa a Iosepha Semita api 169) E ua aparau hoi te Fatu ia'na.

Uiraa 5. E tia anei ia riro oia e tamaiti o te pohe e aore oia i farii i te heheuraa, e aore atoa oia i farii i te Autahu'araa.

Pahonoraa Aita roa e tia i te taata ia riro e tamaiti o te pohe, maori râ, ia farii oia i te heheuraa. Ia noaa ia'na te ite papu i te Atua e ia Iesu Mesia. Oia hoi, ia farii oia i te Autahu'araa e ia tae oia i te tiaraa teitei i mua i te Atua. E i reira e nebenehe ia'na ia topa i raro roa'tu.

Uiraa 6. Eaha na meae toru tei riro ei faaturoriraa i to Kaina haereraa i mua.

Pahonoraa Ua turori Kaina i nia i to'na teoteo, e to'na riri, e to'na nounou.

Uiraa 7. Na vai Kaina i faaue ia pupu i te hotu o te fenua ei tusia i te Atua?

Pahonoraa "Ua rahi to Kaina here ia Satani i te Atua, e na faaue maira Satani ia'na, na ô maira: A pûpû atu i te ô i te Fatu ra." (Mose 5:18) Ua faahapa atoa hoi oia i te ture i to'na afairaa i te hotu o te fenua ra ei sutia. E ere roa ia ei taipe no te poheraa o te Fanau Tahi.

Uiraa 8. Aita ta Kaina ô i fariiha. Farii atura ona i te fâtâ ma te riri rahi. Ei reira, eaha te mea maere

tei tupu? E ahiri te reira i tupu ia vetahi ê ua tatarahapa roa ona.

Pahonoraa Ua farii Kaina i te hoê heheuraa, na ô atura te Fatu; Eaha oe i riri ai? Eaha hoi i tuatua'i to oe mata, ia rave oe i te maitai, e fariihia mai ia oe.

Uiraa 9. Ua orure anei Kaina i te Atua ma te ite papu, e aore râ ma te ite ore i ta'na e rave ra, a maitai ai oia i te aratairaa a Lutifera?

Pahonoraa No te rahiraa o te mau heheuraa ta'na i farii, ua papu ia tatou e, ua ite papu Kaina i te ohipa ta'na e rave ra. Ua na ô mai te Atua ia'na: E ia ore oe ia rave i te maitai ra, tei mua ia te hara i te uputa, e te hinaaro maira Satani ia oe; e ia ore oe ia haapao i Ta'u ra mau faauereraa, e tun atu ia Vau ia oe, e e rave-ê-hia oe mai te au i to'na ra hinaaro. E e faatere oe i nia'e ia'na. (Mose 5:23-24) Ua faaite papu hia'tu e, te haavare ra Satani ia'na.

Uiraa 10. O vai ta Kaina i faaipoipo. Ua tafifi atoa anei te reira ia'na.

Pahonoraa Ua faaipoipo oia i te tamahine a to'na tuaana tei haamori ia Satani e te na ô maira te paran mo'a "Ua rahi to raua here ia Satani i te Atua."

Uiraa 11. Ua hinaaro o Lutifera i fatu Kaina i nia a'e ia'na. No te aha ra? Ua faaau anei Lutifera ia Kaina e riro Kaina e fatu i nia'e ia'na.

Pahonoraa Te aro ra Lutifera ia Iehova no te taata. Aitâ râ Lutifera i ite i te mau ravea no te faahemaraa i te taata i te pae tino. No te mea e, atia â ia oia i farii i te tino i'o e te ivi. E mea tia roa ia ia rona ia'na i te hoê taata maramarama e te itoitō rahi mai ia Kaina te huru. E riro oia ei faatere i roto i ta'na basileia. E hoê tei feruri i te mau opua-

Uiraa

Pahon

Uiraa

Pahon

faaroor
nua A
raa o t
tuaana

te suti
haamai
sutia, t
eiaba e
naa rah
â Vau i

raa paari ia topa te taata; e no reira ia morohi ta Iehova opuaraa. E hoê tei ite papu i te mau hinaaro o te i'ô. No reira ua tapu maira Satani ia Kaina e rave oia mai te au i ta'na ra mau parau.

Uiraa 12. O vai tei faaurn, e tei haapii i te pupu matamua o tei riro ei pupu taparahi taata.

Pahonoraa Ua haapii Satani ia Kaina, e na'na ratou i haapii.

Uiraa 13. Eaha te parau rahi i roto i te tapu ta Lutifera i faaau ia Kaina e ta Kaina i tuu atura i to'na mau taeae?

Pahonoraa "Ua parau atura Satani ia Kaina, a tapu ia'u i to oe'na upoo, e mai te mea e faaite oe ra e pohe ia oe, e a tapu i to mau taeae i to ratou mau upoo e i te Atua ora (Mose 5:29) Noa'tu ia te tama'i nei Lutifera i te Atua ora o to'na enemî mau ia, na faa tapu oia ia ratou i te Atua ora.

To Iakobo E Iosepha Farereiraa

Genese 40-50

E oaoa rahi tei tupu i roto i te aau o Iakobo i to'na faaroora e, te ora ra o Iosepha e o oia hoi te tavana no te fenua Aiphiti. Ua tuuhia mai o Simiona i rapae i te fare tapearaa o te fenua Aiphiti, ua hoi mai o Beniamina e to'na mau tuaana mai te peapea ore.

Na roto i te aau haehaa, ua haere atu Iakobo e pupu i te sutia i te Fatu no te haamaunururaa'tu Ia'na i te mau haamaitairaa ta ratou i farii. I muri mai i to'na pupuraa i te sutia, ua fâ mai te Fatu i te parauraa e, "O Vau te Atua; eiaha e mata'u ia haere i Aiphiti, e faariro Vau ia oe ei nu-naa rahi i reira: e haere atoa hoi Au i Aiphiti, e faahoi mai â Vau ia oe i onei."

I taua taime ra, ua faaineine ihora Iakobo no te haere atu i Aiphiti. Ua haaputuputu ihora i ta'na mau faaapu animala, e ta'na atoa mau faufaa, e ta'na mau tamarii, e to ratou huaai, te atea raa o teie vahi, e maha hanere maile.

I roto i teie tere, ua maitihia Iuda ei raatira no te faa-faroraa i te mau taata i nia i te purumu e haerehia e tae atu ai i te tufaa fenua Gosenā i Aiphiti. Ia fatata a'e ra ratou i taua fenua nei, ua ite atura ratou i te hoê pupu taata i te haereraa mai e farerei ia ratou. I mua i taua pupu nei, tei reira ia te pereoo o Iosepha e to'na ra mau tavini. I te taime teie na pupu i farerei ai, ua pou maira Iosepha nania mai i to'na pereoo, e ua imi ihora i to'na metua tane. I to raua farerei-raa, na oto ihora raua mai te oaoa rahi, e ua haamauruuru hoi i te Fatu.

Area râ, e mea maoro â te taime toe no te oraraa o Iakobo, e rave rahi atu hoi te mau ohipa te nehenehe ia faatupu i to'na oaoa rahi. Mai reira ua rave ihora Iosepha i to'na metua, e ua afai atura i mua i te arii o tei farii maitai mai ia ratou.

Ua parau atura teie nei arii o Pharao ia Iakobo ia maiti i te hoê vahi, ei parahiraa no ratou. Ua parau atoa'tu oia ia Iakobo e tia i ta'na mau tamarii ia riro ei mau tia no te ana animala a te arii. Ua tupu te oaoa o Pharao i to'na iteraa'tu Iakobo, e no te mea ua ruhiruhi â roa oia, ua ani atu teie arii i to'na matahiti. Ua pahono maira Iakobo, hoê hanere e toru ahuru; area râ, e mea maoro a'e ia te mau matahiti o to'u metua, i to'u. I muri mai i te reira, ua haamaitai atura Iakobo i teie arii, e ua haere faahou atura i to ratou tere.

Ua rau te huru o te mau ohipa ta Iosepha i horo'a'tu na to'na ra mau taeae no te hamaniraa i to ratou ra mau fare. Ua horoa atoa'tu oia i te mau mea e raverahi na ratou, e tae noa'tu i te taime e faahotu mai ai ta ratou iho. Area râ, ua parau atoa'tura oia i to'na ra mau taeae, "ia tae noa'tu

i te ta
paera
ei faa
o te ti

ra te
I mu
ratou
i ta'na
E i ro
ua po
oia ia
Kana
Iakob
ia'na
pû atu

Iakob
i roto
mahar
mai o
taua f

na ha
hoi na
ti, oia
maiti
huaai
naa tu

rahi o
raua
va'tu

i te tau e hotu mai ai ta ratou mau faaapu, ia horoahia ia te paeraa o ta ratou ra mau faufaa na te arii, ia riro te reira ei faahoiraa i te mau maitai i horoahia mai e te arii na ratou o te ture atoa ia ta'na i horoa i te fenua ra o Aiphiti.

A tere ai tera matahiti, e tera matahiti, ua fanau mai-ra te mau tamarii a Iakobo e ta'na atoa hoi mau huaai. I muri mai i te ahuru mahituraa o te matahiti a tiahapa'i ratou i roto i taua oire ra o Gosena, ua titau atura o Iakobo i ta'na ra tamaiti here ia Iosepha ia haere atu e farerei ia'na. E i roto i taua farereiraa no rana, ua faaite atura o Iakobo ua poto roa te taime no to'na ra oraraa. I reira titau atura oia ia tapu atu o Iosepha ia'na, ia faahoi atu i to'na tino i Kanaana e tanu ai ia pohe oia. I reira, ua faaite atura o Iakobo e, ua fâ atu te Fatu ia'na, e ua tapû atoa hoi Oia ia'na i te vetahi mau mea faufaa rahi mai te au i ta'na i tapû atu ia Aberahama e Isaaka.

I roto i te fâraa mai o te Fatu, ua faaite atura Oia ia Iakobo e te vaira te tau e tuhia mai te oire ra o Paletetina i roto i te rima o to'na ra mau huaai, inaha hoi te vaira te mahana e hoi atu ai ratou i Kanaana o te parauhia i muri mai o (Paletetina), e e riro mau ihoa ratou ei mau fatu no taua fenua ra.

Ia oti a'era te aparauraa na Iosepha e to'na ra metua na haamaitai ihora Iakobo i ta'na ra mau tamarii, e oia atoa hoi na tamarii too piti a Iosepha i fanauhia i te fenua Aiphiti, oia hoi o Epharaima e Manate. Ua riro teie nei na tamaiti ei hi'oraa maitai i mua i te aro o te Fatu, area to rana huaai ei mau aratai e ei mau upoo hoi no te vetahi mau nuaa tuiroo o te anotau hopea nei.

Ua riro o Manate e Epharaima ei tupuna no te pae rahi o te mau Feia Mo'a o te mau mahana hopea nei. O rana atoa ia na tupuna o Lehi e to'na atoa huaai o tei re-va'tu i te fenua America, mai te au i te mau faataaraa a te

Buka a Moromona, e o ratou atoa hoi tei riro ei mau ati Lamana e ei mau ati Nephi.

Ua pohe o Iakobo i te fenua Aiphiti, i muri mai i to'na haamaitairaa'tu i ta'na ra mau tamarii, e oia atoa hoi i te horoaraa'tu i te vetahi mau faaueraa maitai roa. Ua oto ihora to Aiphiti no te poheraa o Iakobo. Area to'na tino ra ua afaihia ia te reira i te fenua Kanaana tanu ai mai te au i te parau tapûraa a Iosepha i to'na ra metua.

I muri a'e i te taeraa to Iosepha matahiti i te hoê hanere e hoê ahuru, ua pohe ihora oia. Hou i to'na poheraa, ua faaite atura oia i to'na ra nunaa, te vaira te mahana e amuihia'i ratou, e e aratai-atoa-hia'i hoi ratou i Kanaana, to ratou ai'a matamua.

“Te Mahana Sabati.”

Te vai noa nei te mau mana'o êê i rotopu i te mau feia Cheresetiano e, o teihea ia te mahana tano no te haamoriraa i te Atua. Te mahana hitu anei, oia hoi, (Mahana maa) te mahana Sabati a te ati Iuda, e aore ra, te mahana matamua o te hebetoma (Sabati), te mahana ta Iesu i tiafaahou mai, mai roto mai i te menema, tei parauhia i roto i te bibilia e, te Mahana o te Fatu. E e mea tano ia i te faaite-faahou-raa o te Fatu i Ta'na ra Ekalesia i teie nei tau hopea, i To'na ra mana'oraa i nia iho i taua vahi nei. E ua na reira Oia i roto i te hoê heheuraa ia Iosepha Semita ra i Ziona, i te matainaa Iaketoni i Missouri i te hitu no Atete i te matahiti 1830. Na ô maira te heheuraa e,

“E ia tia maitai ia oe iho eiaha ia viivii i to te ao nei, e haere oe i te fare Pureraa i To'u mahana mo'a a pûpû atu ai i ta oe ra tusia; oia mau hoi o te mahana teie i faataahia ia faaea oe i ta oe ra mau ohipa, e ia haamori oe

i te To
mai te
atoa;
te Fat
oro'a
oe ra

faataa
faaite
heheun
mo'a t

mau i
teie ne
tahito

hitu ra
i Ta'n
maitai
reira:
ohipa t

ihora,
no te r
Area, i
ra, te
Peroph
Atua i

i te Tei Teitei ra; ia afai atoa hia ra ta oe ra mau opuraraa mai te parautia i te mau mahana atoa, e i te mau taime atoa; E haamana'o ra oe e i teie nei mahana, te mahana a te Fatu, e pûpû ai oe i ta oe ra mau tusia e i ta oe ra mau oro'a Ia'na i te Tei Teitei ra ma te fa'i i ta oe mau hara i to oe ra mau taeae, e i mua i te aro no te Fatu. (B.F. 59:9-12)

Na roto mai i teie nei heheuraa, te ite nei tatou e, ua faataahia te Mahana o te Fatu ei "Mahana Mo'a". Ua faaite faahou mai te Fatu i Ta'na ra Peropheta na roto i te heheuraa mai i te parau mau. Aita râ i roto i te mau parau mo'a tahito, e aore ra, te mau papaa parau tahito.

Teie râ, hohora i ta tatou mau bibilia e, e haapii i te mau irava parau mo'a tahito, e ite ia tatou e, aita roa'tu teie nei heheuraa api a te Fatu e tama'i i te mau heheuraa tahito i fariihia e te mau peropheta i mutaa ihora.

Papaa Parau O Te Mahana Sabati.

E haapiirii tatou i te papaa parau o te mahana Sabati.

"Faaoti ihora hoi te Atua i Ta'na ohipa i te mahana hitu ra, i Ta'na i rave; e faaea ihora Oia i te mahana hitu, i Ta'na atoa ra mau ohipa i hamanihia e Ana ra. Ua haamaitai ihora te Atua i te mahana hitu, e haamo'a'tura i te reira: no te mea, i reira To'na faaearea i Ta'na atoa mau ohipa ta te Atua i hamani e i rave. (Genese 2:2-3)

Te faaite mai nei na irava e piti e, "Ua haamaitai ihora, te Atua i te mahana hitu, e haamo'a'tura i te reira; no te mea, i reira To'na faaearea i Ta'na mau ohipa." Area, no roto mai i te haapiiraa i te mau irava parau mo'a ra, te faaueraa matamua i horoahia na roto mai i te mau Peropheta ia haapao i teie ei mahana no te haamoriraa i te Atua i na reira'i ratou na roto ia Mose ra, ua fatata e 2500

matahiti i muri roa'tu i te haamaniraahia o teie nei ao. E i roto i Deuteronomi e ite ia tatou i te tumu mau ta te Atua i horoa mai i taua mau faaueraa nei i te mau tamarii o Iseraela i te reira taime.

“Ua faaau mai to tatou Atua ra o Iehova i te faufaa ia tatou i Horeba. Aore Iehova i faaau mai i taua faufaa nei i to tatou mau metua, ia tatou nei râ, tatou atoa e ora noa nei i teie nei mahana. (Deut. 5:2-3)

E haapao i te mahana Sabati, ia mo'a ia te reira, ta to tatou Atua hoi o Iehova i faaue mai ia oe. Haamana'o iho na hoi oe e, e tavini atoa oe i te fenua ra o Aiphiti, e na to Atua ra na Iehova oe i aratai mai, mai reira maira, i te rima puai, e te rima i faatoroahia ra; i faaue ai to Atua ra o Iehova ia oe e, e haapao i te Sabati. (Deut. 5:2,3,12,15)

Te faaite mai nei teie na irava parau mo'a e, e faufaa api teie ta te Fatu i fafau mai i te ati Iseraela i Horeba, e aita roa ia oia i faaue i teie fafaua i to ratou mau metua tane. Ua faaau Oia i teie fafau (faufaa) ia ratou mai Aiphiti mai e Atua ra. No reira ua faauehia ratou e to ratou Fatu ia haaman'o noa i te mahana hitu.

E teie faaueraa ia haapao i te Sabati ra, ua amuihia ia i roto i te ture a Mose ra, e mai te Sabbatie matahiti e te maha ahuru ma iva e te pae ahuru matahiti Sabati ra.

Ua parau maira o Paulo te hoê aposetolo ra e, “Riro atura te ture ei orometua e aratai ia tatou i te Mesia ra, ia faatiahia tatou i te faaroo.” (Gal 3-24) Mai te mea ra e, ua riro atura te ture a Mose ei orometua, ia aratai ia tatou i te Mesia ra, e mea tia roa ia feruri tatou e, ia tae mai te Mesia ra, ua faufaa ore ia te Orometua ra.

Te vai atura i teie avae i mua. Joe Orometua

To Tatou Ti'araa.

Tuatiraa.

"Te Taivaraa Rahi."

Ua parau roa Paulo "... o te *TAIVA* te tupu'na na mua..." (2 Tes. 2:3)

Eaha hoi te *TAIVARAA*? E hoa iho ma e, e mea ohie roa ia tatara, oia hoi, o te faaruaeraa ia i te haapiiraa mau, o te hahi-ê-raa'tu ia i roto i te e'a hape e tae atu ai i te ati e te pohe.

Ua tohu ê hia na teie *TAIVA RAA RAHI* e te mau Peropheta tahito e tae noa mai hoi i te Faufaa Apî nei, . Ua faaineinehia e ua opua hia teie nei *TAIVA RAA RAHI* e te Atua iho. A hiopo'a maite rii na tatou i te mau parau a Daniela peropheta, pene 7 e te irava 25:

"E te arii hoi no te reira. o te parau ia i te parau faaino i tei Teitei ra, e pau hoi te feia mo'a no tei Teitei ra ia'na, e mana'o hoi e ruri ê i te mau taima e te mau ture, e tuuhia mai hoi ratou i to'na rima, e hoê a'e ra tau, e na tau hoi e te hoê tau vaêhaa."

ua tanturu maite hia taua mau parau nei e Ioane Aposetolo i te Apokalupo

"12:14 E e pue pererau e piti no te hoê aeto rahi ra tei horoa hia mai no taua vahine ra, ia mau e oia i te medepara i to'na ra vahi, e faaamu hia i oia ra, e ia hope te hoê tau, e ia hope hoi i o e piti atu tau e e maa tau vaehaa e tahi, ia moe te mata o te ophi ra."

"12:17 Riri roa a'era te teni i taua vahine ra, haere atura e tama'i i te toe'a o to'na ra huaai o tei haapa'o i te parau a te Atua ra, o tei mau maite i te parau a Iesu Mesia i faaite maira."

"13:7 E tuuhia'tu ia'na i te tama'i mai i te feia mo'a, e ia pau ratou ia'na, e e mana tei hô-mai-hia mai no'na i te mau opu atoa, e i te mau reo atoa e i te mau fenua atoa. E o to te ao atoa nei tei haamori ia'na..."

Eaha e tia'i ia tatou ia huna i te tia o taua mau parau mo'a nei i papaihia ra, o ta tatou i ite e mea faauruhia e te mana o te Varua Maitai 2 Petero 1:20 21?...

Eaha e tia ai ia parau e, ua vai noa, e e vai noa â te Ekalesia a te Atua i nia i te fenua nei, mai to'na faatiara i

hia e te Mesia e tae noa mai i to tatou mau mahana nei? Inaha hōi ua hahi-ê-roa hōi te taata taatoa i te e'a hape, no te mea ua horoahia te mana i nia i te mau mea atoa i te puaa i te teni, i taua ophi tahito ra tei faahema i to tatou na metua matamua ra, oia hōi o Lutifera tei aro atu i te Metua e o tei hurihia mai i nia iho i te fenua nei ei ueue i te anoi noa i rotou i te mau tamarii a te taata nei. . .

O vai hōi ia te taata e tia ia'na i taua tau ra ia parau e, e ere oia i to roto i te pupu tei horoahia i raro a'e i te faatereraa a te puaa i roto i te tau i tohuhia mai? Aore roa ia, no te mea ia tupu ihoa te mau parau tohu e tia'i. Ahiri e te vaira te hoê ua haamaniino-oioi-roa hia oia e na taparahi-roa-hia oia no te mea tei te fenua na te diabolō e ite oia i te mau mea atoa, e aore roa ia e taata e mahiti atu i te aro o taua ophi ra o tei i te riri rahi, e na tahoo, e ua faatere i te mau opu atoa no te mea, ua horoahia ia'na te mana i nia i te mau opu atoa, i te mau nunaa atoa, i te mau reo atoa, e te mau fenua atoa. E haamori hōi to te ao atoa nei ia'na.

Maite peu e, te na reira mau mai nei te mau Parau Tohu, e ore ia te Ekalesia Mo'a, oia hōi, te Basileia o te Atua i nia iho i te fenua nei, e parahi noa i roto i te hoê vahivii (Isaia 24:25)

"Ua viivii te fenua i raro a'e i te taata ra, ua hapa ratou i te Ture ra, ua ruri-ê-hia e ratou tei haapaohia, ua pi'o ratou i te faufaa haapao-tamau-hia ra."

E ore mau â te Basileia o te Atua i faatiahia e Iesu Mesia iho i rotou i Ta'ua mau aposetolo ra e vai noa i nia iho i te ao nei, e iriti-ê-hia'tu te reira mai te fenua atu nei, e hopoihia'tu ia i nia i te ra'i.

"Apokalupo 12:10 E faaroo atura vau i te hoê reo rahi i NIA i te ra'i (e ere i te raro nei i te fenua nei) i te na ôrau e, teie mai nei te ora e te puai e te BASILEIA o to tatou ATUA, e te MANA o Ta'ua ra MESIA. . ."

Ioane,
oaoa'i
tatou
to te t
mono

“
tei para
hōi te d

to i te
ia tato

MESIA

poihia
MESIA

te Eva
mau m
te reira
mau m
paletu to
hōi to r

... Te
... E f
ai i te f

bolo i r
e na ha
mai no'
nia'e i t
tu na'na

No nia mai i te ra'i teie nei reo i te faaroo-raa-hia e Ioane, ua tae atu teie mau mea i nia i te ra'i, te tumu ia i oaoa'i te mau ra'i e te feia atoa e parahi ra i reira. Eaha ta tatou i ite i taua taime ra? Teie ia: e ati rahi to te fenua e to te tai no te mea, ua hurihia mai te diabololo i raro nei ei mono atu i te mea maitai i iritihia ra.

"Irava 12. E teie nei a oaoa e te mau ra'i ra e, e outou atoa hoi o tei parahi i reira ra. E ati ra hoi to te fenua e to te tai, tei raro atu na hoi te diabololo..."

Eaha hoi ia te MANA o te MESIA i faahitihia'i i roto i te irava 10 i nia nei? Na Paulo e haamaramarama mai ia tatou:

"Roma 1:16 aore hoi au i haama i te Evanelia o te MESIA no te mea o te MANA ia o te Atua..."

Aita'tura ia e tapitapi faahou i te parauraa e, ua hopohia te BASILEIA o te ATUA e te EVANELIA a te MESIA i nia i te ra'i, maite au i te mau irava i nia nei.

Area ra, e parau mai paha ia outou e, te vai noa hoi te Evanelia i roto i te Bibilia e tae noa mai i to tatou nei mau mahana. Oia mau roa ia, aita vau e faahapa'tu nei no te reira, te parau nei ra vau i te Mana no te faatereraa i taua mau mea ra, e te puai no te reira, ua hunahia ia. o te huru paieti tei mono mai i te reira *"2 Timoteo 3:5 e hoho'a paieti hoi to ratou, o te puai ra o te reira, ua hunahia ia ia ratou..."* ... Te vai atura hoi te tau e ore ai e farii ai i te parau mau ... *E farii e hoi to ratou taria i te parau mau a opai tia'tu ai i te fabula... (2 Timoteo 4:3 4)*

Te tumu no te reira no te mea ua hurihia mai te diabololo i raro nei, e ua rave i ta'na chipa faahemaraa, ua aro, e na haavi i te feia mo'a, ua rave i te mana tei hô-mai-hia mai no'na ra, e ua haapau i te feia mo'a, e ua faatere oia i nia'e i te mau mea atoa i roto i te maa taime o tei horoahia-tu na'na ra.

Ahiri, ua vai noa te haapiiraa mau i nia iho i te fenua nei, eaha ia te Atua i tonu faahou mai ai i te "*hoê melahi mate maueraa na ropu i te reva nei ma te Evanelia e tia i te vairau ra ei pororaa'tu i te feia e parahi i te ao nei ra, i te mau fenua atoa, e te mau opu atoa, e te mau reo atoa, e te mau nunaa atoa. [Apokalupo 14:6]*" O teie ia, no te mea aore taua Evanelia Mure Ore ra i nia iho i te fenua nei. I vai noa'na ihoa te Bibilia i te ao nei, e parau mau roa ia aore roa e faahaparaa i te reira, area râ, o te îraa o te faufaa i roto, ua hunahia ia i to te ao nei. E ore hoi e tia ia horoa'tu i te hoê tao'a i te taata te vaira ta'na.

E horoa te Orometua haapii i te tahi taibaa, mai te ofai papairaa, te peni i ta'na tamarii haapii mai te peu e, aita, e aore râ, ua moe ta taua tamarii ra taihaa. Hoê â huru te Atua, e horoa faahou mai â Oia i te haapiiraa mau i to te ao nei no te mea aita taua tao'a ra i nia i te fenua nei.

E mea ohie roa ia ia ite e, ua ore te Ekalesia mau, oia te Basileia o te Atua i nia i te fenua nei i muri mai i te tua no te mau Aposetolo ei faatupuraa i te mau parau tohu tei papaihia ra. E mana mai ihoa ia te TAIVARAA RAHI i te vahi i vai hia na e te Ekalesia mau a te Atua, tei faa-hohoa-hia i te vahine i roto i te Apokalupo ra. Te Ekalesia mau ra, ua faa-hohoa-hia ia i te vahine i reva i te medebara te mea hape ra tei toe mai ia, e ua faa-hohoa-hia ia i te vahine tei i ta'na ra au'a i te mea faaino e te mea faufau o ta'na ra faaturi (Apokalupo 17:4)

No reira o te BASILEIA tei tohu-hia-mai e Daniela 2:44 e ere ia i te Basileia [Ekalesia] ta te Mesia i faatia i To'na ra mau mahana: oia hoi, e ere ia i te Ekalesia a lesu Mesia i te feia Mo'a i To'na ra mau mahana, no te mea ua mou ia te Basileia i nia i te ao nei, aore roa oia i vai tamau noa i nia iho i te fenua nei na iriti ê-hia'tu ia i nia i te ra'i. [Apokalupo 12:10]

mea u
roa n
Ioane
VAR
o te A
na per
faahou

na Pe
Orotor

raua i
ia tato

faatere
mau ol
i te ma

huru fi
hoê ha
matahi
teie ia
oti i te

Area râ, te vaira te tau i faataahia no teie nei mau mea ua taoti'ahia taua TAIVARAA RAHI ra. Ua faaite roa mai ia te Peropheta ra o Daniela e te Aposetolo ra o Ioane i te maororaa, te haamataraa e te hopea o taua TAIVARAA RAHI ra, e te faatupu raa hia o taua Basileia mau o te Atua ra i nia i te fenua nei mai tei tohuhia mai e taua na peropheta e no "TO TATOU TI'ARAA" e paraparau faahou atu i teie ve'a i mua nei.

Te vai atura

*To outou taeae i te faaroo,
Tehina Tapu*

PARAU RII API

"To Tatou Na Peresideni Misione."

I te 4 no Mati i te matahiti 1953. Ua tae mai to tatou na Peresideni misione, o Ioane e ta'na vahine o Frank Orotona.

Ua faatupuhia te hoê fariiraa no rana e ua faaite mai rana i to rana mauuru rahi no to rana taeraa mai i rotopu ia tatou nei.

I tana mau mahana ra, ua haamata ihora rana i te faatereraa i te mau ohipa no teie misione, e mea tere roa te mau ohipa i mua, e rave rahi te mau taata ta'na i tauturu i te mau ohipa no to ratou oraraa.

I te hoê mahana ua faaite mai oia i te hoê mana'o huru fifi, o tei na ô mai e, te hinaaro nei au ia roa ia tatou hoê hanere taata e baptizobia i roto i te Ekalesia nei i teie matahiti. E hoa ino ma e, ua tano roa taua mana'o ra. E teie ia ta te buka amaa faaiteraa 95 melo no rapae mai tei oti i te baptizobia i na avae noa iho e 6.

A tupuhia'i ra oia i teie ma'i, ua tae maira te reo o te

mau taata faatere, i te na ôraa mai e, a ho'i mai oe no te raauraa i to oe na ma'i, ei reira, reva'tura i to'na ai'a.

A tae atu ai oia tae maira ta'na niuniu reva i te na ôraa mai e, "ua oti au i te tapuhia, e mea maitai roa."

I te 14 no Tiunu ua tae faahou mai â te niuniu reva i te na ôraa mai e, "ua mahiti au i rapae i te fare ma'i e mea maitai roa."

To Tatou Orometua.

Ua ho'i atu to tatou orometua o Kelvin Hoover i to'na ai'a. Ua oti maitai ta'na ohipa pororaa evanelia i teie paeau moana nei, i roto i na matahiti e piti e te afa. E raverahi ta'na mau taata i faafariu mai, e i bapetizo. Ua tae atoa oia i te tahi mau utuafare, e ua farii maitaihia, i te tahi râ, ua tiahihia ia oia i rapae. E te parau atu nei, te Heheuraa Apî e, ia haamaitaihia oe e te Atua.

Te Hoho'a I Te Api Matamua No To Tatou Aposetolo Ra O Mariona G. Romeni.

Ua fanauhia oia i te 19 no Setepa i te matahiti 1897 i roto i te fenua Mexico. I te 14 o to'na matahiti, ua tiavaruhia ratou, to'na na metua, e te tahi mau tamarii, i rapae au i te fenua Meixico, e te hoê pupu taata o tei faatupu i te orure hau. Ua tiavaruhia ratou i rapae, i te mea e, e mau feia Momoni ratou. I reira, ua tere ratou i te fenua Marite ia faaea i reira.

Ua maitihia e ua fariihia oia ei Aposetolo i te amui-raa, i te ava'e Atopa i te matahiti 1951. E 58 to'na matahiti ia'na i faatoroahia'i ei Aposetolo no te Ekalesia. Te vai nei e maha taata i roto i to'na iho utuafare oia hoi o oia e to'na hoa e ta raua na tamaiti toopiti. Ua tavini oia i te Atua mai to'na apiraa mai â, e te rave itoitonoa nei oia i te ohipa o to'na ra toro'a, ma te aau marn e te haehaa, e te tiaturi nei tatou e, e vaiho maoro te Atua ia'na ia tauturu e ia aratai mai ia tatou.